

BELA

Ugarte: «Nire buruaz barre egiten ikasi dut zortzi hilabete hauetan»

Indiko hegoaldea izan zen tokirik gogorrena getxotar itsas gizonarentzat

Jose Luis Ugartek, BOC Challenge izeneko estropada burutu du, itsasoan zortzi hilabete bete ondoren. 62 urteko getxotar honek 27.000 itsas mila bete zituen iazko irailaren hamabostean Newportetik irten zenetik. Ugartek adierazi duenez, ez du berriro estropada honetan parte hartuko, bai ordea, munduari buelta, portuan sartu gabe, ematen dion Globe estropadan.

RAMON BASALDUA / BILBO

Iazko ekainaren hamabian itsasoratu zen, itsasoan bakarrik ibiltzeko BBV Expo 92 izeneko untzia. Hiru hilabete beranduago, Jose Luis Ugartek, BOC Challenge izeneko estropadari hasiera eman zion Estatu Batuetako Newport izeneko portuan, El Caboraino dauden ia 7.000 milak bete amoz.

Gauzak ez ziren batere ondó hasi getxotarrarentzat, izan ere egun batzuk beranduago, untziko tanke bat apurtu bait zitzaion eta horren ondorioz lau egun galdu zituen gainerako partaideekiko. El Cabora heltzeko mila gutxi batzuk falta zirela une txarrak pasa zituen Jose Luis Ugartek, berak atzo emandako prentsaurrekoan aitortu zuenez. «Une txarrak pasa nituen lehen etaparen amaieran, El Cabora heltzen nengoela hiru ontzik aurreratu nindutelako». Bigarren etapen, Indiko ozeanoan sartu zen, Buena Esperanza pasa eta Australiako Sidney portura heltzeko.

ICEBERG TARTEAN ARRISKUA BOC Challenge estropada honetako etapa guztiak gogorrak badira ere Sidneyetik atera eta Punta



Jose Luis Ugarte, munduari emandako itzuliko xehetasunak azaltzen.

✓ BOC Challengean ez du berriro parte hartuko 62 urteko getxotarrak; bai ordea, portuan sartu gabe munduari buelta ematen dion Globe estropadan.

del Estera heltzen dena ikaragarria da. Estropadako lehen postuan zihuan ontzia, inork uste zuen baino gehiago hurbildu zen Antartidara eta toki horretan agertu ziren, hain arriskuak diren icebergak. «60 gradu-ko latitudetik behera sartu ginen eta egia esateko oso arriskutsua izan zen, iceberg pila zegoelako. Radarrak iceberg handiak bakarrik harrapatzen zituen eta txikirik ez. Hori dela eta radarra itzaldu egiten nuen eta itsuak bezala ibiltzen nintzen. Nahikoa ez balitz, haizea oso indartsua zen eta lainoa nagusi zenez ez nuen

ia ezer ikusten», esan zuen atzo Ugartek. Jose Luis Ugartek ez du laguntzarik izan, 27.000 mila hauek betetzeko. Beste partehartzaile batzuk, eguraldia eta norabideari buruzko informazio guztia ematen zien routierra zuten herrian. «Nik ez dut laguntzarik nahi. Bakarreko estropada batean, bakarrik bete behar da ibilbidea». Jose Luis Ugartek, bi agin galtzeaz gain gauza asko ikasi ditu itsasoan bakarrik bete dituen ehundaka ordutan. Horiatariko bat, berak aitortu duenez, bere buruaz barre egiten.

ESKUBALOIA

Xabier Mikel Rekondo: «Ez dut kanpora joateko asmorik»

M.A. / DONOSTIA

Elgorriaga Bidasoak Xabier Mikel Rekondo ez beste jokalarik guztiak «lotu» ditu datorren urterako. Usurbildarrarekin negoziatioak jadanik hasiak dira, baina badirudi diferentziak oraindik nahiko handiak direla. Xabier Mikelek berak aitortzen duen bezala ezberdintasunak ekonomikoak dira. «Denborari dagokionez jadanik ados gaude, urtebeteko hitzarmena nahi dugu bi aldeek. Ekonomikoki ordea ezberdintasunak nahiko nabariak dira».

Usurbilgo piboteak denboraldi bikaina burutu du aurren, eta bere kotizazioak gora egin du. Kanpoko talderen baten eskaintza izan duela

entzun da baina berak ezeztatu egin nahi du hori. «Ez da normala, baina Elgorriagako jokalariek aurren ez dugu inolako eskaintzarik jaso. Denboraldi bikaina egin arren ez gaitu inork tentatu». «Tentatua» izan arren Xabier Mikelek ez du kanpora joateko asmorik. «Nik hemen jarraitu nahi dut, hori argi dago». Hemen jarraitu nahi du, baina orain arteko baldintza ekonomikoak hobetuta.

Elgorriaga Bidasoa eta Xabier Mikel Rekondo datorren astean bilduko dira berriz ere mahai baten inguruan. Printzipioz bi aldeek helburu bera dute, baina badirudi tarteko oztopoak nahiko handiak direla. Datorren aste bukaeran jakin ahal izango dugu honen berri.



Xabier Mikel Rekondo.

FUTBOLA



Lutxo Iturrino Lezamatik urrun izango da datorren denboraldian. R.BASALDUA

Iturrinok hiru urterako fitxatu du Logroñesekin

BILBO

Lutxo Iturrino Logroñes taldearekin fitxatzekotan zegoela adierazten genuen atzoko alean. Gaur albiste hori baieztatu beharrean gaude. Mutrikuarrak hiru urterako sinatu du David Vidalek zuzentzen duen taldearekin. Athletic eta Logroñesen arteko negoziaketetan ez da inolako arazorik egon, bi taldeak guztiz ados bait zeuden.


Bere baitan duena erakusteko aukera berria du mutrikuarrak. Realean ez zuen zorte handiegirik eduki, Sansen zenbait urte egin ondoren apenas izan bait zuen Donostiako lehen taldean jokatzeko aukerarik. Aulkia berotzeaz nekatuta, Athleti-

cen eskaintza onartu eta Bilbora joan zen 1989-90 denboraldian.

Athleticen ordea ez du nahi adina jokatu. Mutrikuarra ez da zorte oneko mutila. Kendall, Rojo, Clemente eta Saezek ez dute maiztasunez zelairatu. Realetik fitxatutako Loren eta Iturrinok ez dute espero zen emaitza eman Athleticen. Ibaigane-ko zuzendariak irtenbide proposa lortu dute azken honentzat, baina lehenak oraindik Bilboko taldean darrai.

Jon Uribarrena gazteak ere Logroñes taldean jokatu du datorren urtean. Bilbao Athleticetako jokalaria urtebetez egongo da Vidalen taldean, eta gero berriz Bilbora bueltatuko da.

MOTORRA



LE MANeko 24 orduetan Louis Schlesser, Alain Ferte eta Jochen Massek osatzen duten Mercedes taldeak egin zuen denbora onena atzoko entrenamenduetan. Hirukote honek egin zuen 3.31.270ko denbora ez da nahikoa izan lehen lerrotik abiatzeko, lehen hamar kotxeak atmosferikoak izan behar bait dute. Ondorioz Derek Warwick eta Andy Wallace (Jaguar XJR-14) irtengo dira lehen lerrotik. Bigarren postuan Baldi, Alliot eta Jabouillek osatzen duten Peugeot taldea izango da.



URKAN KAYAK

IMPORTATZAILEAK: PRIJON-RÖMER-SCHLEGEL
ANTXON ARZA & IDOIA SARASA
Piragua eta akzesorioen salmenta

Gorriti, 34-3.D / 31003 IRUÑEA / Tfna.: (948) 23 48 78 (10.00-13.30)